



TERMA & SYARAT

GAMBARAN KESELURUHAN

1. BK Star Challenge adalah cabaran aplikasi 60 hari yang terbuka untuk Pemilik Perniagaan Amway (ABO) Malaysia/Brunei.
2. Tempoh pendaftaran laman web dalam talian dan penyerahan timbang mula bermula dari 22 Jun 2020 (Isnin, mulai 10pg-10mlm) hingga 28 Jun 2020 (Ahad, mulai 10pg-3ptg). Sebarang penyerahan yang lewat tidak akan dilayan. Pada 28 Jun 2020 (Ahad, hari terakhir pendaftaran dan timbang mula), sebarang penyertaan yang ditolak boleh diserahkan semula sebelum 10mlm. Sebarang penyerahan semula selepas 10mlm pada 28 Jun 2020 (Ahad) tidak akan dilayan.
3. Setiap orang memulakan cabaran pada 29 Jun 2020 (Isnin, mulai 10pg) dan mengakhiri cabaran pada 27 Ogos 2020 (Khamis, pada 9.59pg). Tempoh penyerahan timbang akhir ialah mulai 27 Ogos 2020 (Khamis, mulai 10pg-10mlm) hingga 30 Ogos 2020 (Ahad, mulai 10pg-3ptg). Sebarang penyerahan yang lewat tidak akan dilayan. Pada 30 Ogos 2020 (Ahad, Hari terakhir timbang akhir), sebarang penyertaan yang ditolak boleh diserahkan semula sebelum 10mlm. Sebarang penyerahan semula selepas 10mlm pada 30 Ogos 2020 (Ahad) tidak akan dilayan.
4. Semua pengesahan dan kelulusan akan mengambil masa sehingga 24 jam untuk pemprosesan.
5. Selepas pendaftaran laman web dalam talian, seterusnya semua ahli mestilah mendaftar di bawah aplikasi BodyKey (versi 2.1) untuk Star Challenge mulai 22 – 28 Jun 2020 (10pg hingga 10mlm setiap hari). Sila tukar nama yang dipaparkan dalam aplikasi BK mengikut Nama Penuh anda seperti dalam KP anda. Jika anda gagal mendaftar untuk Star Challenge di aplikasi tersebut, ia akan menyebabkan penyingkiran walaupun anda telah mendaftar dalam talian melalui laman web tersebut.
6. Setiap ukuran Berat Badan atau Lemak Badan mesti dilakukan menggunakan InBody Dial. Mesin/alat penimbang yang lain adalah dilarang sama sekali.
7. Ahli-ahli mestilah juga memiliki InBodyWATCH bagi mengumpul ‘star point’ yang diingini.
8. Ahli-ahli mesti memiliki telefon pintar – iPhone 5S dan ke atas atau telefon Android. Anda tidak layak untuk menyertai Star Challenge jika anda tidak memiliki telefon pintar.
9. BMI setiap ahli mesti melebihi 18.5kgm².
10. Setiap resit pembelian layak untuk SATU (1) pendaftaran laman web dalam talian sahaja. Jika resit adalah salinan, permohonan tersebut akan ditolak.
11. **GARIS MASA CABARAN untuk setiap ahli:** 1. Beli produk BK > 2. Simpan resit > 3. Pilih kategori Berat Badan atau Lemak Badan 4. Rekod video 360 derjah untuk menunjukkan ukuran Berat Badan atau Lemak Badan menggunakan InBody Dial > 5. Ambil DUA (2) gambar individu (pandangan depan dan sisi) > 6. Lakukan pendaftaran laman web dalam talian > 7. Muat naik resit, video dan gambar di laman web DAN Pada masa yang sama lakukan pendaftaran aplikasi BodyKey di bawah kategori Star Challenge. Garis masa ini boleh digunakan untuk timbang mula. Bagi timbang akhir, sila ulangi langkah-langkah 4, 5 dan 7. Resit dan pendaftaran hanya dilakukan sekali.
12. Terdapat hanya satu timbang mula dan satu timbang akhir yang diperlukan. Pilih satu tarikh daripada pilihan-pilihan yang diberi. Tarikh lain tidak akan dilayan. Kegagalan melakukan ini akan mengakibatkan penyingkiran secara automatik dari cabaran dan ganjaran. Jika membuat rayuan, ia mestilah disertakan dengan alasan dan bukti yang sah. Contoh: Rayuan akan diterima dengan alasan dan bukti yang sah untuk melakukan timbang mula dan timbang akhir pada tarikh/masa yang berbeza. Walau bagaimanapun, pasukan tersebut **tidak layak** mendapat ganjaran tertinggi.
13. Bagi video dan gambar untuk timbang mula/akhir, semua ahli mestilah memuat naik SATU (1) video bacaan Berat Badan atau Lemak Badan dan juga DUA (2) gambar berasingan (pandangan depan DAN pandangan sisi berpakaian kemeja-T putih sendat). Sebarang bacaan tambahan lain tidak akan dilayan.
14. Contoh pandangan depan dan sisi untuk gambar “Sebelum” dan “Selepas” :



Imej Depan




Imej Sisi

15. **PERINGATAN:** Semua ahli mesti memakai kemeja-T putih sendat sebelum mengambil gambar berasingan masing-masing untuk timbang mula dan timbang akhir.

MEKANIK

16. **Bagi menyertai BK Star Challenge, bentuk satu pasukan 3 orang dengan Ketua Pasukan yang dilantik.** Setiap orang mestilah seorang ABO. Setiap ahli mestilah membeli set Kit Permulaan BK (Tunai:292856/EPP: 292857/ZIPP: 292858) dengan pilihan untuk PWP InBody Dial (292828) atau InBodyWATCH (281606-S/M & 281608-M/L). **Ketua Pasukan mesti membeli Kit Permulaan BK dan PWP InBody Dial untuk membimbing/mengetuai pasukan.**

17. Pembelian Kit Permulaan BodyKey untuk kelayakan mestilah dibuat mulai 15 Jun 2020. Pembelian mestilah dibuat di bawah nombor ABO ahli. ‘Volume down’ adalah dibenarkan.
18. Kit Permulaan BK dengan PWP masing-masing dibuka untuk jualan kepada semua ABO dari 15 Jun 2020 (lsnin). **PENTING:** Bukti pembelian iaitu resit mesti diserahkan semasa timbang mula dalam talian (1 ABO setiap transaksi setiap resit).
19. Mereka yang membeli Kit Permulaan BK mulai 1 Jun hingga 14 Jun 2020 (Tunai: 283411/EPP: 284522/ZIPP: 284521) dengan pilihan untuk PWP Pengisar USB Mudah Alih Blend-N-Go (292817/292818) adalah layak untuk menyertai cabaran.
20. Jika anda tidak memiliki InBodyWATCH, adalah PERLU untuk anda membeli InBodyWATCH bagi melayakkan diri ke cabaran ini DAN Ketua Pasukan mesti membeli Kit Permulaan BodyKey dengan InBody Dial untuk melayakkan diri ke cabaran ini.
21. **PENTING:** Semasa pendaftaran laman web dalam talian, Ketua Pasukan mesti mengisi butiran semua ahli mengikut kriteria yang ditetapkan oleh Amway dan memuat naik resit dari pembelian kit BodyKey. Setiap ABO mesti mengemukakan bukti pembelian mereka iaitu resit (1 ABO setiap transaksi setiap resit). Amway Malaysia dan Brunei berhak untuk menolak penyertaan anda dalam cabaran ini jika anda tidak mempedulikan syarat ini.
22. Bagi memulakan cabaran itu, setiap ahli mesti memuat turun dan memasang aplikasi BK (versi 2.1). Setiap orang mestilah mendaftarkan diri untuk Star Challenge dalam aplikasi tersebut sebelum 10mlm, 28 Jun 2020 (Ahad). Kegagalan melakukannya akan menyebabkan penyingkiran secara automatik.
23. Star Challenge membolehkan peserta cabaran memperoleh ‘star point’ setelah tugas dalam aplikasi diselesaikan. Pemerolehan ‘star point’ yang berjaya membolehkan setiap peserta cabaran menerima ganjaran pada hari 15, 30 dan 45. Jika anda tidak mencapai ‘star point’ yang diperlukan untuk hari 15, anda boleh meneruskan cabaran dan berusaha ke arah mendapatkan mata yang diperlukan untuk hari 30 dan 45 tetapi anda tidak layak untuk ganjaran yang telah terlepas. ‘Star point’ akan dikumpul sehingga cabaran tamat.
24. Untuk hari 60, setiap ahli mesti mengalami penurunan dengan minimum sebanyak 5% Berat Badan atau pengurangan 3% Lemak Badan untuk menebus ganjaran akhir. **‘Star point’ tidak perlu dikumpul untuk hari 60. PENTING: sila pilih terlebih dahulu sama ada anda ingin menyertai kategori Berat Badan atau Lemak Badan **SEBAGAI SATU PASUKAN** sebelum cabaran bermula.** Setiap ahli hanya boleh menyertai satu cabaran di bawah Ketua Pasukan yang sama.
25. Bagi menebus ganjaran anda untuk hari 15, 30 dan 45, anda mesti memuat naik tangkap skrin aplikasi ‘star point’ yang diperolehi untuk hari yang khusus itu (Contoh: Tangkap skrin tersebut mesti menunjukkan hari 15 di bahagian atas sudut belah kiri aplikasi anda bagi mendapatkan hadiah hari 15; Tangkap skrin yang bertarikh selepas hari 15 atau tanpa tarikh tidak akan layak untuk ganjaran.)



26. **Untuk hari 60, setiap ahli mesti mengalami penurunan dengan minimum sebanyak 5% Berat Badan atau 3% Lemak Badan untuk menebus ganjaran akhir.**
27. Penebusan ‘star point’ (melalui muat naik tangkap skrin aplikasi) hanya boleh dilakukan pada hari 15, hari 30, dan hari 45 dari 10pg-10mlm. Sebarang penyerahan yang lewat tidak akan dilayan. Sebarang penyertaan yang ditolak boleh diserahkan semula sebelum 10mlm pada hari berikutnya. Sebarang penyerahan semula selepas 10mlm pada hari berikutnya tidak akan dilayan. Sesiapa yang gagal memuat naik tangkap skrin aplikasi untuk hari-hari yang ditentukan secara automatik TIDAK DIBENARKAN untuk menuntut ganjaran. Rayuan adalah berdasarkan alasan yang sah bersama bukti, dan Amway berhak untuk memberikan atau tidak ganjaran yang tidak dituntut.
28. Ketua Pasukan mesti menyerahkan/memuat naik tangkap skrin mewakili ahli-ahli yang lain. Ganjaran yang diperolehi oleh pasukan akan dihantar kepada Ketua Pasukan SAHAJA. Amway berhak menukar atau menulis ganti syarat penghantaran tertakluk pada perubahan disebabkan oleh keadaan yang tidak diduga.
29. Amway Malaysia dan Brunei tidak akan bertanggungjawab atas penyertaan yang hilang dan bukti penghantaran tidak akan diterima sebagai bukti resit.
30. Semua ahli mestilah memuat naik video mengikut kriteria timbang mula dan timbang akhir untuk mengesahkan keputusan mereka tanpa sebarang pertikaian. Jika HANYA gambar timbang mula/akhir diserahkan, penyerahan itu adalah TIDAK LENGKAP dan tidak akan diterima.
31. Kegagalan memuat naik video timbang mula/akhir atau resit pembelian dalam tempoh pendaftaran akan dianggap sebagai penyingkiran AUTO walaupun pendaftaran laman web dalam talian berjaya dilakukan.
32. Ketua Pasukan akan bertanggungjawab atas semua butiran yang diserahkan oleh ahli-ahli pasukan. Selepas pendaftaran laman web dalam talian, perubahan pada butiran peribadi adalah tidak dibenarkan. Jangan hantar e-mel pendaftaran laman web dalam talian yang mengandungi ID log masuk dan kata laluan kepada orang lain yang bukan ahli pasukan anda. Jika anda melakukannya, pasukan tersebut akan disingkirkan dari cabaran ini.
33. Ahli-ahli mesti mempunyai alamat e-mel yang sah (yang aktif) apabila menyertai cabaran ini kerana semua komunikasi penting adalah melalui e-mel.

GANJARAN TAMBAHAN (KETUA PASUKAN SAHAJA)

34. Sebagai Ketua Pasukan, anda boleh memilih untuk menyertai Star Challenge seperti dalam mekanik dan menuntut ganjaran apabila anda memperolehi 'star point'.
35. Walau bagaimanapun, bagi mendapatkan ganjaran tambahan selain daripada ganjaran yang dinyatakan dalam bahagian 'mekanik', bentuk satu pasukan terdiri daripada 9 orang (termasuk diri anda + 1 ahli ABO Baru) dan pastikan setiap ahli ABO di bawah anda mencapai kriteria yang dinyatakan dalam bahagian yang sama.
36. ABO baru didefinisikan sebagai seseorang yang telah mendaftar sebagai Pemilik Perniagaan Amway (ABO) mulai 1 Januari 2020 dan seterusnya.
37. Ganjaran tambahan adalah mengikut pencapaian hari 15, 30, 45 dan 60. Walau bagaimanapun, untuk hari 60, setiap orang dalam pasukan mesti mencapai penurunan Berat Badan atau pengurangan Lemak Badan yang minimum, iaitu 5% Berat Badan atau 3% Lemak Badan masing-masing sebagai satu pasukan.
38. Ketua Pasukan boleh mengambil bahagian dalam SATU (1) cabaran pasukan. Mengambil bahagian dalam lebih daripada satu cabaran berpasukan adalah tidak dibenarkan.

KRITERIA PEMENANG & PENGUMUMAN KEPUTUSAN

39. Keputusan pemenang akan ditentukan berdasarkan penurunan Berat Badan atau pengurangan Lemak Badan. Keputusan pemenang juga akan ditentukan berdasarkan perubahan paling ketara dalam gambar "Sebelum" dan "Selepas". Jika pemenang memenuhi penurunan Berat Badan atau pengurangan Lemak Badan yang dikehendaki, tetapi gambar "Sebelum" dan "Selepas" menunjukkan perbezaan yang tidak ketara, Amway Malaysia dan Brunei berhak menemu ramah para pemenang tersebut dan berhak untuk tidak mengumumkan keputusan mereka walaupun pasukan tersebut dianggap pasukan pemenang teratas.
40. Setiap orang dalam pasukan mesti mencurahkan usaha yang sama dalam menurunkan Berat Badan atau mengurangkan Lemak Badan. Seorang ahli daripada pasukan tersebut tidak seharusnya mendominasi keputusan Berat Badan atau Lemak Badan (Contoh: ahli pasukan yang mencapai penurunan berat badan 5%, 19% dan 6%) tidak akan dianggap sebagai pemenang. Sebaliknya, pasukan yang mempunyai penurunan Berat Badan atau pengurangan Lemak Badan yang sama (Contoh: ahli pasukan yang mencapai penurunan berat badan 8%, 9% dan 10%) akan dianggap sebagai pemenang. Perbezaan dalam peratusan untuk setiap ahli pasukan secara idealnya ialah +/- 5%.
41. Amway tidak akan mengumumkan keputusan SEMUA pasukan yang menang dan melengkapkan Star Challenge 60 hari dan berhak untuk mengesahkan semua keputusan dan hanya memilih mereka yang memenuhi kriteria dan sejajar dengan falsafah penurunan berat badan BodyKey sebelum menyiarkan keputusan.
42. Keputusan akan disiarkan di laman web Amway pada November 2020. Amway Malaysia dan Brunei berhak untuk membuat pindaan pada tarikh pengumuman sekiranya ada keperluan untuk pengesahan keputusan yang lebih lanjut.
43. Amway Malaysia dan Brunei berhak menggantikan ganjaran dengan barang atau ganjaran lain yang mempunyai nilai yang sama.
44. Pemenang mestilah memberi testimoni mereka selewat-lewatnya pada akhir cabaran dan mestilah bersetuju untuk ditemu ramah, diambil gambar, dirakam untuk video dan menghadiri sebarang acara dan aktiviti rasmi yang dikelolakan oleh pihak syarikat berkaitan dengan cabaran ini. Ahli-ahli mungkin dikehendaki berkongsi pengalaman menyertai cabaran ini di khalayak ramai semasa acara dan aktiviti ini dijalankan.
45. Semua testimoni, temu ramah, gambar dan video yang diterima atau diambil dan semua hak cipta adalah milik Amway Malaysia dan Brunei dan boleh digunakan oleh Amway Malaysia dan Brunei dalam iklan rencana melalui sebarang platform, termasuk jualan, promosi dan aktiviti publisiti yang lain melalui pelbagai saluran komunikasi, termasuk tetapi tidak terhad pada digital atau bercetak.

BUTIRAN PENTING LAIN

46. Ahli-ahli mesti komited untuk kekal dalam cabaran selama 60 hari berturut-turut. Jika ada mana-mana ahli pasukan yang menarik diri semasa cabaran tersebut, seluruh pasukan tersebut akan **DISINGKIRKAN** dari cabaran.
47. Jika ada mana-mana ahli pasukan yang mengalami kecederaan, kemalangan atau meninggal dunia semasa tempoh cabaran, seluruh pasukan akan **DISINGKIRKAN** dari cabaran.
48. Ahli-ahli mesti mendapatkan konsultasi daripada pengamal perubatan mereka untuk penilaian perubatan yang lengkap bagi memastikan mereka selamat untuk bersenam, mengubah pelan diet mereka dan menjalani program pengurusan berat badan sebelum pendaftaran dan sebelum memulakan cabaran ini. Cabaran ini bukan untuk wanita hamil atau individu yang mengalami sebarang jenis keadaan kesihatan.
49. Ahli-ahli mestilah cergas dari segi fizikal, stabil dari segi mental, sihat tubuh badan dan tidak mempunyai sebarang keadaan perubatan untuk melengkapkan cabaran ini.
50. Amway Malaysia dan Brunei berhak mengubah atau menulis ganti kriteria, terma dan syarat, dan ganjaran cabaran ini sekiranya ada sebarang pertikaian tanpa pemberitahuan sebelumnya. Sekiranya ada sebarang pertikaian, ketidakpastian atau kesamaran berkaitan dengan kriteria dan peraturan, atau sebarang hal yang melibatkan cabaran ini, hal tersebut harus diselesaikan oleh Amway Malaysia dan Brunei mengikut budi bicara yang mutlak, dan keseluruhan keputusan dalam hal ini adalah muktamad.
51. Semua penyertaan dan maklumat yang diserahkan mestilah benar dan tepat. Jika ia didapati tidak benar atau ada penipuan, Amway Malaysia dan Brunei berhak untuk menyingkirkan mana-mana pasukan.

52. Amway Malaysia dan Brunei, mengikut budi bicaranya berhak untuk menyingkirkan mana-mana ahli yang melanggar mana-mana kriteria dan terma dan syarat atau telah terlibat dalam mana-mana salah laku yang menyalahi undang-undang atau salah laku lain yang tidak wajar dianggap membahayakan pengendalian cabaran yang adil dan sempurna. Dari segi undang-undang, Amway Malaysia dan Brunei berhak mendapat ganti rugi kerosakan atau pembayaran ganti rugi daripada orang-orang sedemikian.
53. Ahli-ahli akan menyertai dengan risiko yang ditanggung sendiri dan Amway Malaysia dan Brunei tidak akan bertanggungjawab dan dipertanggungjawabkan atas sebarang tuntutan, kesilapan, atau sebarang ketinggalan terhadap kecederaan kepada ahli-ahli atau harta benda yang timbul daripada latihan, acara dan aktiviti atau semasa penyertaan sepanjang cabaran ini.
54. Sebarang pertanyaan atau rayuan (dengan alasan yang sah sahaja, tertakluk pada kelulusan Amway) mesti dibuat melalui e-mel ke marketing@amway.com kerana panggilan telefon atau mesej WhatsApp tidak akan dilayan.

PENAFIAN UMUM

Program Pengurusan Berat Badan BodyKey bertujuan untuk membantu anda dalam usaha menurunkan berat badan. Anda hendaklah sentiasa mendapatkan nasihat doktor sebelum memulakan sebarang bentuk program pengurusan berat badan melalui perubahan diet dan senaman. Program ini bertujuan untuk digunakan oleh individu dewasa yang sihat sahaja. Ia bukan bertujuan untuk digunakan oleh kanak-kanak bawah umur, wanita hamil, atau individu yang mempunyai sebarang masalah kesihatan. Anda hendaklah sentiasa mendapatkan nasihat doktor untuk penilaian perubatan yang lengkap bagi memastikan yang anda selamat untuk bersenam, mengubah pelan diet anda dan menjalani program pengurusan berat badan. Jika anda sememangnya sudah mempunyai masalah kesihatan atau mengambil ubat preskripsi, anda juga bertanggungjawab untuk merujuk kepada doktor anda.

Dengan menyertai program ini, anda bersetuju dengan syarat-syarat ini dan anda memahami bahawa anda bertanggungjawab sepenuhnya terhadap kesihatan dan pilihan yang anda buat sepanjang program ini. Semua kandungan dan maklumat yang diberikan oleh Program Pengurusan Berat Badan BodyKey adalah untuk tujuan maklumat sahaja. Kandungan ini bukan bertujuan untuk menggantikan nasihat perubatan profesional, diagnosis, atau rawatan yang diberikan.

Program Pengurusan Berat Badan BodyKey tidak bertanggungjawab terhadap sebarang tuntutan, kesilapan, atau sebarang ketinggalan kecederaan terhadap individu atau harta benda akibat daripada perkhidmatan yang disediakan oleh pihak-pihak tersebut. Semua peserta dengan ini melepaskan Amway Malaysia dan Brunei daripada sebarang tuntutan atas sebarang kerugian, kerosakan, atau kecederaan yang dialami semasa menyertai program ini.

Kami tidak menjanjikan atau menjamin atau membayangkan bahawa anda (atau dengan penggunaan maklumat, produk dan perkhidmatan kami) akan mengurangkan berat badan anda, mempertingkatkan tahap kecergasan anda, atau memperbaiki kehidupan anda. Hasil program mungkin berbeza-beza bergantung pada banyak faktor, termasuk tetapi tidak terhad pada ketekunan, motivasi, tahap usaha dan keupayaan fizikal individu. Anda tidak seharusnya melihat maklumat, produk dan perkhidmatan tersebut sebagai bertanggungjawab atas sebarang kegagalan dalam penurunan berat badan anda. Ini merupakan alat yang kami sediakan untuk anda cuba mengurangkan berat badan dan mempertingkatkan tahap kecergasan anda.

PENAFIAN PRIVASI

Amway prihatin tentang privasi anda dan keselamatan maklumat anda. Kami hanya mengambil maklumat seperti yang diperlukan untuk kredibiliti cabaran tersebut, dan kami akan memprosesnya dengan integriti; kami hanya memerlukan maklumat peribadi yang minimum dan yang perlu untuk memenuhi tujuan cabaran tersebut; kami tidak menjualnya kepada pihak ketiga; dan kami hanya menggunakanya bagi tujuan cabaran tersebut untuk menganalisis dan mengesahkan ketepatan keputusan yang anda muat naik.